

里人周慶雲纂

寺廟二

祇園寺 在西柵宋楊某建紹興二十一年里人朱道寧重修

明萬曆四十一年裔孫朱國禎重修并鑄鐵佛汪志按四十年或作四

十五年 本朝康熙中建白衣觀音閣五十三年僧東隱募修

雍正後寺漸頽廢乾隆三十七年興造後殿高樓供奉地藏

王至嘉慶二十年後住持僧滄海募化建造山門道光元年

重新大殿咸豐時燬光緒四年重建大殿及地藏殿十八年

改建大殿

宋丁昌朝潯溪祇園寺莊田記

文見碑刻及府縣志並汪志按舊志

觀元年釋圓通建至道寧重修捨田百畝據此記則楊公
保義之所推輪實創于南宋之初朱氏捨田只二十畝并
廣募士庶所施共成百畝耳相傳明時大殿頽圯梁上有
大唐貞觀元年尉遲敬德監造字本俚俗無稽之說而舊
志誤信之府縣志則又以舊志為據所謂俗語不實流為
丹青者也若果唐初創建至紹興中為五百餘年之古刹
記中不應無一語及之且安得云楊公推輪百廢未舉耶
又俚俗謂寺有鐵佛必造于唐不知此寺之鐵佛實鑄於
明萬曆中又康熙時丁有
源記言寺創于蕭梁尤妄

明朱國禎祇園寺裝大佛金容并各羅漢天王募疏引

錄節

佛何以金本色也金何以貴不壞也金何以像耀光明也
又何以募拉大眾同入清淨堅固中也寺中鑄像既成雄
偉端嚴真一方之冠一座星羅羣魔鼠伏直是佛臨何啻

神相

金之俊祇園寺化募飯疏

錄節

潯西祇園禪寺一鎮名刹也

比年爲魔眷所侵香火幾墜住僧海空發願于大雪中徒步至磬山跪請松際和尚飛錫此中乃松際以磬山之席不可久虛特留高足轉上人啟建華嚴祇場以三年圓滿又祇園寺建白衣觀音閣節錄潯水海空上人欲建閣于祇園寺殿後以奉白衣觀音

丁有源重修祇園寺碑

文見碑刻

刑典重修南潯祇園寺記吳興祇園寺二一在府城南東林山南一在吾南潯西在南潯者自唐貞觀初建宋紹興二十一年里民朱道寧重修明萬厯中裔孫朱國禎重修厯年久遠朱宮碧瓦散作寒煙衰草惟金剛殿及大雄殿柱礎尙存正殿釋迦牟尼像一尊兩旁阿羅漢一十八尊

南潯志

卷十二

寺廟二

二

山門彌勒佛一尊皆鐵鑄舊碑記唐尉遲恭監修今不存而鐵像依舊惟羅漢失去其一今補以木像風雨剝蝕莊嚴盡脫此象教之堪悲也我朝乾隆三十四年大圓和尚自天台山來苦行募修日誦法華經拜于潯市衣衲衣赤足冬夏不改三年士商敬重相爲發檀信真心設萬人緣以攸助之大圓乃謀材鳩工修廢殿創寶閣五間及僧寮三間次第莊嚴象設完好供具使瓦礫之場遂成靈境其功德有足感動人天者矣雖然寺之興廢無常數百年後朱宮碧瓦仍散作寒煙衰草未可知也後之人嗣而葺之是則大圓之所望者耳乾隆四十三年二月壬子謹記

汪志按此文未勒石故不入碑刻文中尉遲恭監修語亦爲俗說所誤

明無名氏南潯祇園寺贈老僧清溪通笠澤地以水爲鄉
竹青三日雨僧白一頭霜

明董斯張溫長卿禮佛祇園寺詩以柬之誰爲親也壽歸
命十方僧午鉢隨持呪宵龕自供燈寒谿通坐碧飛雪到
簾凝止酒遂旬日柴桑將未能

又曾君山客祇園寺卻寄鴛渚釣初歇精廬借僧住采朮
何處來危坐松窗暮新霽未出門梵唄聽成趣嗟彼塵中
子膠擾百憂屢翻來譏寂寞請君還自顧客去吟小詩殘
紙作枯樹睡餘息深深醉象調已素昨夜鬼神覷猶嫌藏

未固

君山曾有異夢

陸唵登祇園寺樓送柴石泉歸桐鄉唐代遺蕭寺西風此

南潯志

卷十三

寺廟二

三

日過樓高秋水遠木落夕陽多古佛金全剝殘僧鬢已皤
登臨動惆悵一爲發離歌

范鍇潯溪紀事詩祇園坐久道心微寂寂鐘聲滿落暉依
舊竹青三日雨白頭僧去掩禪扉

董恂祇園寺橋過垂虹去偕來般若門歲荒僧亦散寺古
碣無存功德金身護莊嚴鐵佛尊暮鐘聲百入歸路近黃
昏

孫燮登祇園寺樓春風吹遊心偶此樓上眺空林積雨晴
潭水涵返照茲候及東作農事尙未告二麥荒不種原田
但餘潦熹微遠人村炊煙起稍稍窮黎仰官賑景物吁可
悼梅花無處尋幽禽隔籬叫閉門僧院靜物外領眾妙情

幽境可忘趣遠詩可召拚盡半日間僧雖治茶竈

紀磊過祇園寺有感古寺西塘路愴然感廢興荒煙遺斷

碣奮志仗癯僧龍象欣重覩樓臺快共登如何纔一瞬劫

火又相仍

許旦復過祇園寺有感

寺雖未被災而門闌窗檻已拆去淨盡并損及佛座東壁關帝旁立

神像為雨漏消釋

真箇空門一掃空重關洞達四周通六時梵唄

僧無影七寶莊嚴數有窮差幸佛尊身是鐵可憐神將額

非銅雨風莫禦遭摧塌苦行興修憶遠公

又過硯水精舍

舍為樓三楹樓下為義塾樓上供文昌牌東為鄉賢祠西為節烈祠今神厨神主俱

被摧殘是可歎也

禪林深處有高樓曾把鄉邦祀事修苦節千秋

名教重先賢一邑行義

平

搜情殷桑梓留模範地飭堂階

南潯志

卷十三

寺廟二

四

肅奠酬誰道禮成時未久几筵摧折畫欄抽

又重過祇園寺

寺疊遭焚焜神厨僧寮已淨盡矣惟大殿獨存今已拆去無遺釋迦佛尚在旁十八

應真俱瞞伏在地行者傷之每合十稱罪過云

無復觚稜耀眼明四圍檐宇盡頽

傾世尊仍耐金身坐弟子難將鐵幹撐

佛與應真俱鐵胎

三寶地

偏重厄運四禪天應有歸程所嗟法像留塵世風雨孤蹲

座九層

蔣錫綸潯溪竹枝詞漫說金剛不壞身許多鐵佛盡橫陳

祇園古寺成荒剝賸有殘碑臥積薪

關帝廟 一在西柵祇園寺左舊名長春道院乾隆二十四年

後殿增建文昌閣咸豐時燬同治九年重建一在東柵聞濤

閣一在東藏寺今廢一在極樂庵一在南柵虹映兜光緒五

年重建一在報國寺一在西柵長壽庵一在南柵外康王寺

董蠡舟潯溪棹歌追呼幸免賴無田載客輸租到務前五

丈還防符算例三郎廟下莫停船武聖宮在西柵縣吏徵稅設局于此

妙境庵 在西柵本名厚德庵宋淳祐三年進士朱柵及弟釋

法通建咸淳五年增修明萬厯間僧敏之重修改名妙境庵

道光戊子年附設鄉先輩祠見祠墓咸豐時燬於兵俗稱妙境

白場光緒十六年比邱尼存道重建汪志按舊志並作薦福庵今名妙境庵府縣志

亦作薦福庵攷厚德遺言當時實無薦福庵之稱即偽造德祐勅牒亦但稱薦福祠非庵名薦福也張董二志厚德作德

厚亦譌

宋朱柵厚德遺言南潯鎮據進士朱柵等狀稱不避威嚴

仰千穹聽柵曩偕兄弟輩奉先人治命立田營墳建庵為

南潯志 卷十三 寺廟二

子孫奉祀之地今幸遂付託欲使繼繼承承靡替先志不可無所稽據用實簿籍條劃事件一樣四本其 墳

庵其三分隸子位各將遵守將 須憑印押庶後之

人知立此簿以當勒碑子子孫孫有能景慕羹牆見堯之

心則披覩斯籍視聽如生必為之增光潤色銘刻諸石其

於此簿相為世守柵等區區孝思莫能追報罔極欲乞仁

慈俯垂矜察憫其奉先之念篤亮其貽後之慮深特賜台

判送印司印給俾得永久存歿豈勝感恩茹德之至奉權

鎮知丞文林台判云嘗觀聖門以孝弟為本釋門亦以孝

義為先儒固有之僧未多見當職來鎮於此忽有朱進士

通長老手狀袖簿求為印押詳其 思之念油

然而生則知心無二心理則一理信乎大人不失赤子之心者是也孟子曰孩提之童無不知愛其親及其長也無不知敬其兄這箇天理乃所固有惟是習與性殊人慾橫流血氣攻于內財物役于外遇小小得失眠骨為仇讎如秦越之肥瘠貌不加省良可歎也況望其盡心盡力于父兄已死之後乎今朱進士通長老乃能遵守遺言既營安宅又立久遠成規畀之後人誠可嘉尚大凡為人之子孫者悉能以祖宗父母之心為心則愛親敬長報本反始俱可無憾矣送司印給事目具呈照印須至行遣右今給付季字位收執大宋咸淳五年二月日給官戶

汪志按朱國禎記畧

云印凡十一自台判以下起嘗字至行遣及季字位三字俱朱書黑字俱蠅頭楷書大宋以下十字如栗官字如拳

南潯志

卷十三

寺廟二

六

戶字側而小

厚德庵砧基

嘗字四圩

本庵建於淳祐癸卯增修於

咸淳己巳夫庵之立不存定規則不能傳久德之積不堅定力則不能如此德之義此厚德之所以名庵歟其所以望于子孫世守者甚不薄也先考生於乾道壬辰終於淳祐癸卯享年七十有二先妣生於乾道癸巳終於紹定壬辰享年六十嫡生四子長松次椿又次柟綜理家務法通最後從釋奉祀祖墳餘慶三子析居之後先父得以安養者數年留田一十五畝治命同 柟等遵守遺言壘土以圖窀穸結庵 像給糧食飯工匠三子均之即于淳祐甲辰柟等忍死安厝以盡送終越二紀餘敬事如存其間庵宇添剏靡憚勞費不幸長兄早逝于景定庚申

仲兄又逝于咸淳丁卯惟柙與僧弟朝夕永懷增修一事
每切于心今來增修就緒將卜日祔葬二兄于雙親之旁
使不致于淪沒倘後之人繼志述事共爲孝子順孫之職
由厚德以拜邱隴寧不念祖宗創業之艱難而加之意云
咸淳五年三月吉旦柙同僧弟法通姪芾藻等謹誌

卽係墳基并庵宇基址
內田十畝坐落墳西際

內地
五畝

孫燮妙境庵清磬一聲歇微風吹佛幢偶來初地靜頓使
此心降雲占石房半花開春樹雙何時借禪榻臥聽雨鳴
窗

范登上已偕友人集妙境庵溪上閒遊好春來景色新羽
觴修禊事齋飯醉吟身卻喜朋簪盍何妨佛座親參禪逢

南潯志

卷十三

寺廟二

七

妙境應許滌煩襟

王翰青吳純夫招飲妙境庵復用前韻斫雪爲歡酒滿卮
此間坐次借花時風簾頗愛通頭爽雨屐誰嫌叩齒遲卿
更能來觴此否臣今聊復一中之籬陰錯莫窺洪醉卻恐
樊川大欠詩

董恂重過妙境庵一渠新水遶孤村疎竹圍環隱寺門回
首舊遊無限意夕陽芳草黯銷魂

土穀祠

在西柵今無攷

汪志按嘉應廟卽土穀祠而潯西又有此祠未詳其故朱土地之說疑卽

因此
附會

董漢策潯西土穀祠募緣序

節錄

潯之西偏有土穀祠焉里
中人歲時以蒸梨剝棗豚蹄之禮獻甚或陳綵繒鐃帛敷

衽贊祝不絕憶其生平必有功于民者也乃野史不記其事里人并忘其姓名廟貌雖存風雨蝕薄祠中頭陀謀所以新廟貌行且赫然改觀誌功不忘而食報彌厚

關西侯廟 在西柵妙境庵東一名財神殿光緒二十一年建
聖帝祖師廟 在西柵豐年橋上

明義庵 在西柵紀家壩宋治平中建 國朝康熙中修乾隆十四年重修庵中有御書閣見下條 古佛樓得閒軒漏葉軒咸豐時燬於兵同治三年重建

明董說明義庵建古佛樓疏宋錄既南偏安自固讀書至此未嘗不流涕建炎初宗澤累表請帝還京其言回鑾汴京是人心之所欲妄議巡幸是人心之所惡忠臣之謀寶

于琬琰帝意指南聞言不用數年奔走終定都臨安錢塘霸圖豈堪垂拱哉當高宗南渡駐蹕南潯明義庵書清風明月四字復留徽宗畫鷹一幅而去僧建閣藏之曰御書閣而元趙松雪爲明義庵書額畫滾馬圖遂稱合璧今皆不知所在過而問者感慨係之宣和怠政京貫爲妖訪求書畫以荒萬幾注心丹青彷彿蟲鳥殆與花石艮嶽神霄玉清同虧君德文敏宋室苗裔進退無度以翰墨役于元青山紅樹負議天下南北新疆當年舊主詩辭雖婉無補慚疚自矜畫馬當與龍眠並驅筆匠而已假使二圖具在接徽宗之翰藝展松雪之遺墨不過長歎昏德吁嗟辱身釋氏之寶寂靜無爲法書名畫似非所急鷹馬存亡不足

問也庵有四百年之古佛蓮眼珠眉金容炤耀某上人欲起小樓於庵東方以崇象教此其意良善較古建閣藏書宏願猶勝護持香阜敢告檀那乞余數言用當持鉢西方之書曰如來既化諸大弟子想慕不已遂刻木爲佛晨夕瞻敬以形象示人謂之象教象教之前依性成佛依佛成象象教既立因象見佛因佛見性今天下之大患在形骸之見過重普天率土人各見性皆知四大假借不重形骸何勳業不可建何氣節不可立何朋黨不可銷何國讎不可滅余嘗縱其狂言謂佛以空寂爲宗然悟其淵致往往令人忠孝學佛十年可以報國象教之功高於泰山當今四方多故兵氣未銷上人獨思惟古佛經營禪關意或與余言符契乎嚮者道峯雪航師演楞嚴報國寺余作南潯社學說其畧曰報國寺者今日南潯之社學也社學不存勢難驟復法師說經報國闡揚元義稍屈高論鼓鐘長夜社學廢誥令荒鄉人聞黑業之戒如誦律書社學廢長幼情鄉人聞精進之勸如對師保聽余言者或信或疑今以上人之請復爲象教之說歸于忠孝以世間語論出世間法可爲知者道也

刑典尚齒會向延羽士結社廣惠宮今易緇流移席明義

庵景仰之餘竊爲忖度敬步原韻口占一律錄呈會次用

博哄堂萬木秋深落並黃經霜松柏卻生香高懷畢竟推前輩雅集從容到夕陽聽罷步虛聲一一窺殘梵筴字行

行要知佛有無量壽，嬾醉蓬萊閣上觴。

紀峻明義庵九月見梅花始信禪門別有夫能將春信報
秋前冰心未受嚴霜煉，疎影偏教好月傳。幾點預徵高士
夢一枝新佐菊花筵。逋仙陶令原同調，故結名花一面緣。
紀遠題學海上人得閒軒二首爲訪詩僧屢叩關竹林風
致似居山尋常不識西來意，輸爾今朝一日閒。何事焚
香只閉關，市塵不到卽深山。從今莫問安心法，不是無心
那得閒。

釋秉融陸駟虬和得閒軒韵見贈再和以應清風明月護
松關，何用將錢更買山。儘可經行兼打坐，恐消不得許多
閒。陋巷苔侵門不關，半閒茅屋勝居山。看來人事真難

南溟志

卷十三

寺廟二

十

了討箇便宜，落得閒。水雲深處卽鄉關，不用沽名覓好
山。略比世人高一著，無過占得一生閒。

又吳雙祐歷游中州燕趙壬夏始歸重過得閒軒話舊分
袂梧桐初寂，歷歸鞭楊柳已婆娑。齊竿未學，應難舍，藁
空歸。有幾何。燈暗吟殘，新旅館。月明夢斷，舊巖阿。濃陰仍
復聽蟬噪，那悔侯門彈鋏歌。

又得閒軒盆梅甘隱蕭蕭避俗塵，飄飄玉貌勝童真。開簾
不礙邀明月，繞榻何妨做好春。粉壁借燈分影瘦，墨池染
翰惹香新。儘教檐外兼旬雨，不怕催殘正耐親。

又漏葉軒與指上人夜話蕭蕭紅葉亂寒煙，倒像春風欲
暮天。好句捷於晴月吐，閒身倦似晚蠶眠。青燈的的蕉窗

下白眼醒醒藜杖前且鬪茗杯今夜永何須掐指算殘年
霏霏竹底颺茶煙清露蛩吟葉落天便與故人相對語
何妨徹夜未曾眠月移蕉影來窗畔風颭燈花落硯前何
日掛瓢同結習亂雲深處送流年

御書閣 在明義庵中南宋初建藏宋徽宗畫鷹一幅高宗御
書清風明月四字元趙孟頫復題明義庵三字畫滾馬圖留
此明嘉靖間袁表有御書閣下鷹還在明義庵中馬尚存之
句猶及見二物也道光丁亥溫金萼董邦楨紀磊等結詠霓
文社於閣中旋燬於兵同治三年重修緇流卓錫均稱御書
閣無有人復言明義庵矣

汪志按舊志及府縣志並謂御書
及畫鷹乃高宗南渡過此所留不

知高宗從
未至潯也

南潯志

卷十三

寺廟二

十一

曹大斌募修南潯御書閣小引節錄潯水之南曰南潯烏程

東鄙聚落也有古剎曰明義庵肇自宋英宗治平間迨高
宗南渡駐蹕臨安嘗經于此小憩庵中留道君御畫鷹自
書清風明月四字而去庵僧建閣供之因名御書閣庵以
閣著而明義之名稍隱及元趙承旨孟頫爲題庵額畫滾
馬圖由宋而元而明而迄我 皇朝歷年踰六百其閣屢
壞屢修久而不廢今年春正月無塵上人詣予告曰閣敝
敝日甚不修必廢欲懇四方宰官善信合力而重葺之君
其以言先焉時乾隆十四年歲在己巳

張雋御書閣和恭叔武京洞冥遺跡委秋原取次鄰塵逼
檻軒何帝曾留飛白字寺僧虛指畫鷹存因鐘試石從來

有借地栽花亦自繁
祖謝響然遙集處
卽今勝事屬梁園
市塵迴合暗郊原
暫得登臨意欲軒
逖矣不聞南渡事
巋然猶見魯靈存
誰家甲第經新闢
幾處征船數舊繁
豐草記成曾見稿
可無佳石壯孤園

潘耒御書閣三首

閣在南潯明義庵有宋高宗書鷹及趙子昂滾馬圖今亡

南遷草草

宋思陵駐舫拈毫尙畫鷹
何似鷹揚麾下將
掣鞬萬里縱飛騰
王孫懷古此逍遙
滾馬留圖紙價高輸與開元老
曹霸南薰殿上畫拳毛
墨妙銷沈不可攀
前賢遺跡尙班班
甲第朱門幾遷改
長存誰得似禪關

與舊志說異

汪志按詩以鷹爲高宗所畫又

董燠御書閣懷古高樹下夕陽荒江接汪濊
岌岌棄御書閣

南潯志

卷十三

寺廟二

十二

新晴宿殘靄康王奠南都
恭儉人推戴兵迴山口鎮
蹕駐維揚埭相李七十日汪黃
三尺喙才勝白沙棋俄下天長

壘

同礪

建業扼險塞失計乃避回

去聲

駕言幸武林潯陽頓前

隊回首京洛塵良岳紛鑄鐵
蒼茫書畫學兵燹發長慨繡
褫與錦贖那可汗牛背故簡識

去聲

太清流離增感慨蒼鷹

不解揚風月何足愛御筆竟零落
江介鐵山碎中興倚諸將岳韓
凡幾輩奈何一偏聽不思敵所愾
狡獪黃天逃憤懣朱仙速奔葉忘國
仇甘心金幣載權木侈結構奎藻輝
闐闐但喜天亡金不料元強對玉匣
冬青寒荒陵流水裁去聲損齋書放失
天章閣傾廢矧此宣和筆不隨皋亭潰
鶉啼一花落歌咽千珠琲登臨悵遐矚
興亡感時代士誠亦

英雄城隍莽安在

董文白御書閣天章淪落角鷹揚古刹名傳宋未亡梵唱
聲中遷歲月爐煙影裏閱滄桑江山半壁歸泥馬社稷中
興跨鳳凰風月佳時禪榻畔居人猶自說康王

紀復亨御書閣繡毬花誰將月彩鏤玲瓏面面看來花樣
同記取廣場人簇立氣毬爭蹴御街中 春盡空庭綠蔭
遮佛燈熱火鬪新茶文殊結夏獅閒戲滾落禪房一樹花
曹仁虎潯溪竹枝詞霜鷹一幅道君摹更有王孫滾馬圖
玉躑金題零落盡御書閣閉長青蕪

范鍇潯溪紀事詩南渡興亡那忍論天涯芳草去王孫丹
青一例多零落佛閣森寒晝閉門

南潯志

卷十三

寺廟二

十三

紀官趙墨齋東隣佛閣光燭天宣和片紙凝松煙黃河再
傾汴城裏九鼎滅沒千餘年村童熟爛百家姓打頭一字
人茫然往歲秋風遊良嶽故宮危石堆牆角道君龍袖渺
無蹤陳橋袍色已如濯相傳泥馬攜畫鷹半天飛落南潯
僧愁胡側目勢欲騰通靈妙物萬里鵬板箱竹筴鎖不能
逸事誰提感慨出吳興酒徒憑醉筆

金梅立夏日同方谷渭瑄遊御書閣下懷古偶作建炎天
子蒙塵日潯上精藍曾駐蹕留得蒼鷹掣臂飛畫圖輝燦
維摩室御筆流傳久失真巋然一閣存其名深巷無人路
紆折鳳池瀆水淵渟泓我來剛遇清和候行行轉向禪房
叩據案閒吟魏野詩逢僧同話宣和舊沈子風流淡蕩人

素心晨夕如飲醕董生年少亦沈靜肩隨步履潯之濱吾
曹行樂須乘暇性靈是處堪陶寫君不見歲月堂堂去不
回昨日春光今復夏

又九日同渭瑄過東藏寺及御書閣渭瑄作二詩因次其

韻

錄

欲助茶香問皎然插天高閣許栖禪煙迷往日潛龍

地風急清秋放鶴天未買糗資題好句閒攜茗盃酌新泉
浮生愁向塵中度半偈心持息萬緣

張丹山潯溪棹歌回首宣和事可憐錦題玉軸舊流傳御

書閣下空惆悵花落鶉啼五百年

明義庵舊藏宋徽宗畫鷹一幅

董攀龍潯溪竹枝詞鷗波亭子宋王孫手埽驪騮墨蹟存

不意大都承旨後偏題明義榜山門

明義庵三字趙子昂書並留滾馬圖一幅

南潯志

卷十二

寺廟二

十四

邢典南林雜詠徽廟鷹何在王孫馬不留鳳皇池上月獨

自照千秋

方燾御書閣傑閣連雲塵卻復隱曲徑寂歷如巖阿市聲

絕清聽我行迤邐來小憩愜閒興忽憶南渡時駐蹕來帝

乘畫鷹疑解揚風月字留贈寺僧慎護藏金碧相輝映遙

遙數百年去留竟何定零落委兵燹人事迭變更倚闌發

慨嘆竹房敲清磬

紀磊詠御書閣香閣蘭花迥絕倫得閒覓句亦無鄰而今

莫問休勤事南渡江山付劫塵

香谷僧于吟詠外尤善畫蘭

李世伸潯溪棹歌思陵南渡豈從容底事丹青興尚濃此

日御書空有閣神鷹飛去久無蹤

御書閣舊藏宋徽宗畫鷹

法華庵 在西柵西莊村元至元二年建 國朝康熙中修乾隆四十一年復修咸豐時燬於兵同治五年重建

嚴其焜法華庵壽山題榜跋潯溪法華庵唐咸通五年試翁困講師所立五季兵燹趙宋間但寒煙衰草而已元至元二年土人某氏慨然重建延郡城復初和尚居之既又作斗室小窗玲瓏四壁虛白天台楊天顯有記明之中晚卓錫多賢若道巖若印松其選也搢紳先生善文章者往往而至簡畢具在 國朝初埽雲道人趙俊復大葺之念齋繆侍講題曰儼然一會試翁尚矣埽雲者可謂中興曾未百年凹僧敗度販及花宮我佛如來束身無所可慨也夫今住持道明上人出家之雄也知興廢在人事當剝復

南潯志

卷十三

寺廟二

十五

之會志氣益奮偕其徒曰闡珍曰維慎曰挹青減衣縮食銖銜積累蓋十有五年而光復堂宇猗歟休哉塗丹錯壁奐輪離立絳雲成蓋寶相閑安然後千有餘年之青鴛蘭若乃不至名存而實亡矣署曰壽山賀之也丙申秋九月

鸞坡嚴其焜書并跋

汪志按據此文唐末建立五代即燬下逮至元重建中間空廢已閱三百

餘年果即唐時故址否耶蓋實始於元順帝時託諸唐末乃附會渺茫之說耳

明袁袞法華庵寄吳興諸友昔愛湖山野寺居今依潯水借精廬陰陰橘柚開虛館密密桑麻繞曲渠風土漸於鄉國近壺觴無奈故人疎年來更有文園病媿似虞卿強著

書

明劉麟南潯法華庵訪袁永之不值留題二首離索經秋

百感侵交知如鶴遠投林法華庵裏袁安去蘋老清潯空
復深 夕舟涼雨鬢絲侵宿鳥驚栖何處林雨過南潯尋
未得客心秋水竟誰深 癸巳乞巧日訪袁子於郡城城
中人曰去南潯矣中秋日訪於南潯潯上人曰去西湖矣
重陽後一日再至南潯造所館法華庵庵中人曰去岷山
矣鬱陶之思難言雖題二絕不喻區區九月十日南坦劉
麟書 倘袁子再過僧可燃松此下卽日託一書於其薪
水侶人曰董賦者環廬弁山下而會晤之難如此況天
門萬里虎豹九關也如有會期千萬珍重麟記

明董份諸子夜坐法華竹林敘別輕雲開寶閣明漢湧銀
波勝地衣冠集離筵意緒多月宜疎竹看人好隔溪歌寂

南潯志

卷十三

寺廟二

十六

寂憐漁父盈盈蕩晚坡

董蠡舟潯溪棹歌愁絕精藍謫宦人謀生計拙困風塵思

歸不待秋風起三月江鄉已采莼

袁永之寓法華庵有今依潯水借精廬之句又

有卜居不遂作詩解嘲云已矣謀生真計拙東西南北任浮沉

溫文禾雪後遊法華庵小溪一路接桑麻着屐來尋古法

華梅蕊尙餘春後雪竹爐新試雨前茶香殘篆影猶凝榻

風定遊絲半度花此地清幽人不到老僧只合伴煙霞

五聖堂 在西莊村小圩道光十三年重修咸豐時燬光緒中

重建

張鑑烝字五圩社廟記

文見碑刻汪志按文稱莽將實卽五聖也

保命庵 在西柵下塘俗名三官堂咸豐時燬於兵光緒中重

建

大士庵 一名西林禪院在西柵下塘嘉慶間重修咸豐時燬於兵宣統三年重建今名西林禪寺

紀寅獨行大士庵渡河雲緩去未去蒸花日薄閒復閒人聲四靜鳥雙語一尺東簷水碧山

邢典憩西林古刹偕施二國祁閒話踏青雙足倦小憩到禪關日色明窗瑣風聲動屋山客來村步外僧住市塵間暫假蒲團坐方知白晝閒 綺語奚爲者華顛不自知得名翻是累好古轉成癡佛祖無文字儒家有孝慈世緣吾未了難與比丘期

許曰復潯西大士庵門前清曠遙對洞庭兩山雨後嵐光

南潯志

卷十二

寺廟二

十七

歷歷余每喜過之今與東藏極樂同被焚可惜也香雲繚繞紫雲庵寶相莊嚴比海南門外潮音流水碧天邊髻影遠峯藍慈悲靈應三千界皈向人爭五十參大好精廬隨喜地灰飛何處禮珠龕

九蓮庵 在西柵蒸二圩庵久廢後紀氏購其基爲族葬之區極耕庵 在西柵外裘莊丁氏宗祠左

民心寺 在西柵外方丈港南初名方丈寺一名天王殿有望暉樓咸豐時燬光緒中重修正殿尙未建復

聖寧禪院 在西柵外聖塘港

興隆庵 在西柵外西丁家灣

太平庵 在西柵外咸安橋東

土地廟 在西柵外九里橋西

祠山殿 在西柵外朱隴村

已上西柵及柵外僧寺

南潯志卷十三終

南潯志

卷十三

寺廟二

十八